

## 5. gr.

Reglur þessar eru staðfestar með vísan til 22. gr. þjóðminjalaga nr. 88/1989, sbr. 15. gr. l. nr. 98/1994, sbr. og 20. gr. reglugerðar um þjóðminjavörslu nr. 323/1990, og öðlast þegar gildi. Jafnframt falla úr gildi reglur nr. 320/1990, um veitingu leyfa til fornleifarannsóknna.

*Menntamálaráðuneytinu, 29. febrúar 1996.*

**Björn Bjarnason.**

*Árni Gunnarsson.*

15. mars 1996

Nr. 158

## REGLUGERÐ

### um greiðslur almannatrygginga í lyfjakostnaði.

## 1. gr.

Tryggingastofnun ríkisins tekur þátt í lyfjakostnaði sjúkratryggðra samkvæmt reglugerð þessari, þegar um er að ræða nauðsynleg lyf, sem ávísað hefur verið af lækni (tannlækni) og afgreitt er í lyfjabúð eða af öðrum aðila, sem hefur leyfi til lyfjasölu, samkvæmt lyfjalögum nr. 93/1994 með áorðnum breytingum.

Magn lyfs í hverri lyfjaávísun (ordination) skal miða við mest 100 daga notkun, nema þegar ávísað er á lyf í eftirtöldum lækningaflokkum, en þá skal miða við mest 30 daga notkun:

	ATC-flokkur
a. Lyf við sársjúkdómi .....	A 02 B
b. Sveppalyf til inntöku .....	D 01 B
c. Geðdeyfðarlyf, tvíhringlaga afbrigði .....	N 06 AB
d. Sveppalyf .....	J 02
e. Veirulyf (nema stungulyf og lyf í flokki J05 AB 05) .....	J 05 AB

Tryggingastofnun ríkisins er heimilt, í undantekningartilvikum, að gefa út skírteini, sem heimilar að miðað sé við 100 daga notkun þegar ávísað er á lyf í ofangreindum flokkum.

Greiðsla almannatrygginga á lyfjum miðast að hámarki við viðmiðunarverð, þar sem það á við, en annars við gildandi smásöluverð. Viðmiðunarverðið skal vera 5% hærra en smásöluverð ódýrasta samsvarandi lyfs og skal það endurskoðað á þriggja mánaða fresti.

Heilbrigðis- og tryggingamálaráðuneytið gefur út viðmiðunarverðskrá yfir samsvarandi lyf um leið og sérlyfjaskrá og viðauka hennar.

## 2. gr.

Tryggingastofnun ríkisins greiðir að fullu fyrir sjúkratryggðan lyf í eftirtöldum lyfjaklokkum sem honum er lífsnauðsyn að nota að staðaldri, enda skulu lyfin auðkennd með „100“ eða „\*“ í gildandi lyfjaskrá (,100“ í sérlyfjaskrá „\*“ í lyfjaverðskrá I og II, sbr. 10. gr. lyfjalaga nr. 93/1994). Í þeim tilvikum, sem smásöluverð þess lyfs, sem ávísað er, er hærra en viðmiðunarverð lyfs, greiðir sjúkratryggður þann aukakostnað sem til fellur.

	ATC-flokkur
a. Sykursýkilyf .....	A 10
b. Storkupættir .....	B 02 BD
c. Cýpróterón .....	G 03 HA 01
d. Blóðsykurhækkandi lyf .....	H 04 A
e. Krabbameinslyf og lyf til ónæmishi. eða ónæmisörv. .... (nema lyf í L 02 AE01 sem greiðast skv. 4. gr. (E merking))	L
f. Gláku- og ljósopsþrengjandi lyf .....	S 01 E

## 3. gr.

Tryggingastofnun ríkisins greiðir að hluta fyrir sjúkratryggðan, lyf í eftirtöldum lyfja-flokkum, sem honum er brýn nauðsyn að nota að staðaldri, enda skulu lyfin auðkennd með „B“ í lyfjaskrá:

	ATC-flokkur
a. Lyf gegn þarmabólgu .....	A 07 E
b. Vítamín D og skyld lyf .....	A 11 CC
c. Hjartasjúkdómalyf .....	C 01
d. Lyf með verkun á renínangiótensín kerfið .....	C 09
e. Beta-blokkarar .....	C 07
f. Kalsíumblokkarar .....	C 08
g. Psoriasislyf .....	D 05
h. Barksterar .....	D 07
i. Barksterar, óblönduð lyf .....	H 02 A
j. Lyf við vanstarfsemi skjaldkirtils .....	H 03 A
k. Lyf við ofstarfsemi skjaldkirtils .....	H 03 B
l. Sérhæfð bólgueyðandi lyf .....	M 01 C
m. Sterk geðlyf (neuroleptica) .....	N 05 A
n. Geðdeyfðarlyf (antidepressiva) .....	N 06 A
o. Oxýklórókin .....	P 01 BA 02
p. Astmalyf .....	R 03

Greiðslutilhögun þessara lyfja skal vera sem hér segir:

1. Fyrir hverja lyfjaávisun greiðir sjúkratryggður fyrstu 600 kr. af smásöluverði lyfsins. Af smásöluverði lyfsins umfram 600 kr. greiðir sjúkratryggður 16%, en þó aldrei meira en 1.500 kr. Í þeim tilvikum, sem smásöluverð þess lyfs, sem ávísað er, er hærra en viðmiðunarverð lyfs, greiðir sjúkratryggður þann aukakostnað sem til fellur. Tryggingastofnun ríkisins greiðir það sem vantar á fullt smásöluverð eða viðmiðunarverð, sbr. viðmiðunarverðskrá.
2. Elli- og örorkulífeyrisþegar skulu greiða fyrstu 200 kr. fyrir hverja lyfjaávisun. Af smásöluverði lyfsins umfram 200 kr. skulu þeir greiða 8%, en þó aldrei meira en 400 kr. Í þeim tilvikum, sem smásöluverð þess lyfs, sem ávísað er, er hærra en viðmiðunarverð lyfs, greiðir sjúkratryggður þann aukakostnað sem til fellur. Tryggingastofnun ríkisins greiðir það sem vantar á fullt smásöluverð eða viðmiðunarverð, sbr. viðmiðunarverðskrá.

## 4. gr.

Tryggingastofnun ríkisins tekur þátt í kostnaði lyfja, sem auðkennd eru með „E“ í lyfjaskrá með eftirfarandi hætti:

1. Fyrir hverja lyfjaávísun greiðir sjúkratryggður fyrstu 600 kr. af smásöluverði lyfsins. Af smásöluverði lyfsins umfram 600 kr. greiðir sjúkratryggður 30%, en þó aldrei meira en 3.000 kr. Í þeim tilvikum, sem smásöluverð þess lyfs, sem ávísað er, er hærra en viðmiðunarverð lyfs, greiðir sjúkratryggður þann aukakostnað sem til fellur. Tryggingastofnun ríkisins greiðir það sem vantar á fullt smásöluverð eða viðmiðunarverð, sbr. viðmiðunarverðskrá.
2. Elli- og örorkulífeyrisþegar skulu greiða fyrstu 200 kr. fyrir hverja lyfjaávísun. Af smásöluverði lyfsins umfram 200 kr. skulu þeir greiða 12,5 %, en þó aldrei meira en 800 kr. Í þeim tilvikum, sem smásöluverð þess lyfs, sem ávísað er, er hærra en viðmiðunarverð lyfs, greiðir sjúkratryggður þann aukakostnað sem til fellur. Tryggingastofnun ríkisins greiðir það sem vantar á fullt smásöluverð eða viðmiðunarverð, sbr. viðmiðunarverðskrá.

## 5. gr.

Tryggingastofnun ríkisins tekur ekki þátt í kostnaði við eftirtalin lyf og skulu þau auðkennd með „O“ í lyfjaskrá:

- a. Lyf, sem fánleg eru í lausasölu (afgreiðslumerking „L“ í lyfjaskrá), ef undan eru skilin lyf í ATC-flokkum A 12 BA, D 05 AA og S 01 XA, sem greiðast samkvæmt 4. gr. (E merking).
- b. Lyf í þeim ATC-flokkum, er hér eru taldir:
  - A 06 A Hægðalyf
  - A 11 Vítamín, nema lyf í flokki A 11 CC, sbr. 3. gr. staflið b.
  - A 14 A Vefaukandi lyf
  - B 04 Blóðfitulækkandi lyf
  - D 06 Sýklalyf
  - D 09 Umbúðir
  - D 10 A Lyf til útvortis notkunar við bólum
  - D 11 AX Ýmis lyf til útvortis notkunar
  - G 03 A Hormón, notaðir til getnaðarvarna
  - G 04 A Sýkingalyf
  - J 06 A Önæmissermi
  - J 07 Bóluefni
  - M 02 Gigtarlyf til útvortis notkunar
  - N 02 B Önnur verkjalyf og hitalækkandi lyf
  - R 01 AA Adrenvirk (nef)lyf
  - R 02 Hálslyf
  - R 05 Hósta- og kvefilyf (nema lyf í flokki R 05 CB, slímþynnir og R 05 DA 04, kódein, en þau skal greiða skv. 4. gr. (E merking))
  - V 06 D Önnur næringarlyf

- c. Lyf í eftirfarandi ATC-flokkum, þó ekki stungulyf, en þau skal greiða skv. 4. gr. (E merking).
- J 01 A Tetracyklínsambönd
  - J 01 C Beta-laktam sýklalyf, penicillín
  - J 01 D Önnur beta-laktam sýklalyf
  - J 01 E Súlfoonamíðar og trímétóprím
  - J 01 F Makrólíðar og linkósamíðar
  - J 01 M Kínólónar
  - N 05 B Róandi lyf (anxiolytica) (nema lyf í flokki N 05 BE, azaspíródekandíón afbrigði, en þau skal greiða skv. 4. gr. (E merking))
  - N 05 C Svefnlyf (hypnotica og sedativa)
  - P Sníklalyf (antiparasitica), skordýraeitur og skordýrafætur, (nema lyf í flokki P01BA02, oxyklórókín, sem greiðist skv. 3. gr. (B merking), og P 01 BC 01, kínín, sem greiðist skv. 4. gr. (E merking)).

## 6. gr.

1. Tryggingastofnun ríkisins er heimilt að greiða að fullu fyrir sjúklinga með flogaveiki, lyf í lyfjaflokki N 03 og fyrir sjúklinga með Parkinsonsjúkdóm, lyf í lyfjaflokki N 04. Við afgreiðslu til sjúklinga, með Parkinson sjúkdóm eða flogaveiki, skal framvísa lyfjaskírteini sem Tryggingastofnun ríkisins gefur út, annars greiðast lyf í þessum flokkum skv. 4. gr. (E merking).
2. Í sérstökum tilvikum (sbr. 3. tölulið) er Tryggingastofnun ríkisins heimilt að taka aukinn þátt í greiðslu lyfja, sem sjúkratryggðum er brýn nauðsyn að nota að staðaldri og eru auðkennd „E“ í lyfjaskrá. Við afgreiðslu skal framvísa lyfjaskírteini, sem Tryggingastofnun ríkisins gefur út og er greiðslu þá háttáð skv. 3. gr. (B merking).
3. Í sérstökum tilvikum (sbr. a. og b. lið) er Tryggingastofnun ríkisins heimilt að taka þátt í greiðslu lyfja, sem sjúkratryggðum er brýn nauðsyn að nota að staðaldri þótt þau séu auðkennd „O“ í lyfjaskrá. Við afgreiðslu skal framvísa lyfjaskírteini sem Tryggingastofnun ríkisins gefur út og er greiðslu þá háttáð skv. 4. gr. (E merking).
  - a. Alvarleg truflun á kyn- og innkirtlastarfsemi, áunnin eða meðfædd. Morbus Addisonii, meðfætt adrenogenital syndrome, meðfædd efnaskiptatruflun (fibrosis cystica), vöðvaslensfár (myasthenia gravis) eða aðrir sambærilegir sjúkdómar.
  - b. Síendurteknar alvarlegar sýkingar.
4. Þegar sjúkratryggðum er brýn nauðsyn að nota að staðaldri, eða um lengri tíma, fjölda lyfja samtímis, sem almannatryggingar greiða ekki eða aðeins að hluta er Tryggingastofnun ríkisins heimilt að gefa út tímabundin lyfjaskírteini, sem undanþiggja sjúkling greiðslu tiltekinna lyfja eða lyfjaflokka.
5. Lyfjaávisanir útgefnar af göngudeildum geðdeilda greiðast að fullu af Tryggingastofnun ríkisins, hljóði þær á lyf sem falla undir eftirfarandi lyfjaflokka:
  - N 04 A, andkólínvirk lyf,
  - N 05 A, sterk geðlyf (neuroleptica),
  - N 06 A, geðdeyfðarlyf (antidepressiva).
 Í þeim tilvikum, sem smásöluverð þess lyfs, sem ávísað er, er hærra en viðmiðunarverð lyfs, greiðir sjúkratryggður þann aukakostnað sem til fellur. Tryggingastofnun ríkisins greiðir það sem vantar á fullt smásöluverð eða viðmiðunarverð, sbr. viðmiðunarverð-skrá.
6. Leysiefni sem nauðsynlegt er með virku inndælingarlyfi (þurrefni eða þykkni) skal greitt á sama hátt og viðkomandi inndælingarlyf.

## 7. gr.

Greiðsluþátttaka í „S“ merktum lyfjum, sem afgreidd eru frá sjúkrahúsapóteki, enda er skráning bundin við notkun á sjúkrahúsi eða í tengslum við sjúkrahús, fer eftir almennum greiðslureglum þessarar reglugerðar. Í undantekningartilfellum getur heilbrigðis- og tryggingamálaráðuneytið veitt undanþágu til afgreiðslu „S“ merktra lyfja í öðrum apótekum.

## 8. gr.

Tryggingastofnun ríkisins tekur ekki þátt í greiðslu óskráðra lyfja sem heimilt er að nota samkvæmt undanþágu, sbr. 7. gr. lyfjalaga nr. 93/1994.

Tryggingastofnun ríkisins er þó heimilt í undantekningartilvikum, að fenginni staðfestingu heilbrigðis- og tryggingamálaráðuneytisins, að taka þátt í kostnaði við óskráð lyf og skal greiðsluþátttaka Tryggingastofnunar ríkisins í slíkum tilvikum miðast að hámarki við greiðslu skv. ákvæðum 4. gr. (E merking).

Sækja skal um undanþágu til heilbrigðis- og tryggingamálaráðuneytisins sem tekur ákvörðun í samráði við Tryggingastofnun ríkisins. Í umsókn læknis um greiðsluþátttöku skulu koma fram rök fyrir ósk um greiðsluþátttöku ásamt upplýsingum um verð lyfsins.

## 9. gr.

Ákvæði þessarar reglugerðar ná til þeirra lyfja sem eru á skrá 1. apríl 1996. Nýskráð lyf, munu ekki sjálfkrafa verða greidd eftir almennum ákvæðum þessarar reglugerðar.

Heilbrigðis- og tryggingamálaráðherra ákveður greiðslutilhögun nýskráðra sérlyfja, að fenginni umsögn Tryggingastofnunar ríkisins í samræmi við 41. gr. lyfjalaga nr. 93/1994.

## 10. gr.

Reglugerð þessi sem sett er með stoð í c. lið 36 gr. laga um almannatryggingar nr. 117/1993 öðlast gildi 1. apríl 1996. Jafnframt fellur úr gildi reglugerð með sama heiti nr. 327/1995 með áorðnum breytingum.

*Heilbrigðis- og tryggingamálaráðuneytinu, 15. mars 1996.*

**Ingibjörg Pálmadóttir.**

*Rannveig Gunnarsdóttir.*

## REGLUGERÐ

**um iðgjald vegna slysatryggingar sjómanna.**

## 1. gr.

Útgerðarmenn fiskiskipa skulu tryggja hjá Tryggingastofnun ríkisins áhættu vegna bóta-skyldra slysa sbr. III. k. laga nr. 117/1993, um almannatryggingar, og 36. gr. sjómannalaga nr. 35/1985.

Tryggingastofnun ríkisins greiðir útgerðarmönnum fjárhæð sem svarar til fulls kaups og/eða aflahlutar sjómanna í allt að tvo mánuði.